



**468. fundur
haldinn í bæjarstjórnarsal,
þriðjudaginn 9. desember 2010 og hófst hann kl. 17:20**

Fundinn sátu: Lárus Ástmar Hannesson, Berglind Axelsdóttir, Gretar D. Pálsson, Gyða Steinsdóttir bæjarstjóri og Þór Örn Jónsson bæjarritari.

Fundargerð ritaði: Þór Örn Jónsson bæjarritari.

Lárus Ástmar Hannesson formaður bæjarráðs setti fund og fól síðan bæjarstjóra fundarstjórn.

Fundargerðir nefnda

1. 1012010 - Fundargerð skipulags og byggingarnefndar, dags. 06.12.2010 (134. fundur).

Fundargerð framlögð.

Liður 1 Bókhlöðustígur 7, niðurrif og nýbygging á lóð.

Sigurjón Jónsson sækir um f.h. Katrínar Sigurjónsdóttur leyfi til að rifa húsið við Bókhlöðustíg 7 og byggja nýtt íbúðahús á lóðinni, sbr. teikningar dags. 15.11. og 1.12.2010.

Nefndin leggur til að port verði lækkað um 30 sm og mænishæð hækkuð um 30 sm og að gólfkóti hússins verði 24,60 m. Æskilegt væri að fækka gluggum á neðri hæð, á norðvestur gafli hússins.

Afgreiðsla nefndarinnar samþykkt.

Liður 2 deiliskipulagið Stykkishólmur Borg, deiliskipulagsbreyting.

Lögð fram tillaga að deiliskipulagsbreytingu á deiliskipulagi Borgar dags. 22.02.2007. Tillagan felst í að fella út íbúðarhúsalóð B á skipulaginu (Skúlagötu 23), og í staðinn verði svæðið grænt svæði, sbr. tillögu dags. 30.11. 2010. Erindi að fella lóð nr. 23 út af skipulagi var vísað af bæjarráðfundi til skipulags- og byggingarnefndar.

Nefndin leggur til að lóðin að Skúlagötu 23 verði ekki tekin út af skipulagi að svo stöddu máli, en jafnframt verði á næstu mánuðum unnar myndir frá ýmsum sjónarhornum, þar sem hús verður teiknað inná lóðina þannig að hægt verði að meta hvaða áhrif hús á þessum stað, með tilliti til svæðisins og sjónarhorna. Svæðið er einstakt og því teljum við rétt að standa faglega að málum og meta áhrifin á þennan máta.

Afgreiðsla nefndarinnar samþykkt. Berglind situr hjá undir þessum lið.

Undirritaður fagnar niðurstöðu skipulags- og byggingarnefndar að lóðin að Skúlagötu 23 verði ekki tekin af skipulagi að svo stöddu.

Vek athygli á að nefndin hefur áður fjallað faglega um umrætt deiliskipulag þegar ákvörðun var tekin um að mæla með byggingalóð á þessum stað.

Endurtekning á því ætti að vera óþörf og verður eingöngu til þess að kasta málinu á dreif.

Gretar D. Pálsson



Liður 3 Lágholt 11. Breyta heimagistingu /íbúðarhúsi í gistiskála/atvinnuhúsnæði.

Egill Egilsson sækir um f.h. Gagnleysu ehf að breyta heimagistinu í gistiskála og fjölga bílastæðum á lóð, sbr. umsókn dags. 30.11.2010.

Nefndin samþykkir að erindið verði grenndarkynnt fyrir Lágholti nr. 6,7,8,9,10,13 og nr.19a.

Afgreiðsla nefndarinnar samþykkt.

Liður 4 Borgarbraut 1, skyndibitastaður.

Egill Egilsson sækir um f.h. Gagnleysu ehf að starfrækja skyndibitastað í verslunarhúsnæðinu við Borgarbraut nr. 1, sbr. umsókn dags. 30.11. 2010.

Nefndin leggur til að erindið verði samþykkt af uppfylltum skilyrðum.

Afgreiðsla nefndarinnar samþykkt.

Liður 5 Aðalgata 8, niðurrif á skorsteini.

Sævar Harðarson/Skipavík ehf sækir um f.h. Farfuglaheimilisins Sjónarhóls ehf, að fjarlægja utanálíggjandi skorstein., sbr. tölvupósti dags. 22.11. 2010.

Erindi samþykkt.

Afgreiðsla nefndarinnar samþykkt.

Liður 6 Sundabakki 10A, hringstigi við svalir.

Ásgeir Gunnar Jónsson sækir um að setja hringstiga sunnan megin við svalir hússins að Sundabakka 10A, sbr. erindi og teikning dags. 2.12.2010.

Erindi samþykkt.

Ásgeir Gunnar vék af fundi við lið nr. 6.

Afgreiðsla nefndarinnar samþykkt.

Liður 7 Frístundabyggð, deiliskipulag.

Bæjarráðsfulltrúar L listans leggja til að skipulagt verði svæði fyrir frístundahús, til almennrar úthlutunar, við Arnarborg norðaustan við það svæði sem Skipavík hefur til umráða. Tillögu vísað af bæjarráði til skipulags- og bygginganefndar. Nefndin tekur jákvætt í að svæðið verði skipulagt en bendir þó á að vegna legu landsins verða lóðir fáar og framkvæmdir kostnaðarsamar.

Afgreiðsla nefndarinnar samþykkt með tveimur atkvæðum gegn einu.

Undirritaður greiðir atkvæði gegn því að skipulögð verði fleiri svæði fyrir frístundabyggð í landi Stykkishólms. Töluvert framboð slíkra lóða er í nágrennasveitarfélaginu Helgafellssveit sem anna ætti eftirspurn til almennrar úthlutunar.

Þess fyrir utan er ég sammála því sjónarmiði Skipulags- og bygginganefndar að tilkostnaður við umrætt skipulag verði of hár miðað við mögulegar tekjur.

Gretar D. Pálsson



Fundargerð samþykkt.

2. 1012007 - Fundargerð þjónustuhóps aldraðra dags 02.12.2010 (72. fundur).

Fundargerð framlögð og samþykkt.

3. 1012006 - Fundargerð umhverfisnefndar, dags 01.12.2010 (31. fundur).

Fundargerð framlögð.

Liður 2 önnur mál.

- Þórunn sagði frá að bæjaryfirvöld hefðu kannað kostnað við nytjagám. Kostnaður ca. 180.000.- á ári. Nefndin hvetur til að þetta verði gert. Fyrir utan sparnað einstaklinga gæti líka sparast flutningur í Fíflholt.

Bæjarráð samþykkir að koma upp nytjagámi til reynslu í eitt ár á svæði Snoppu. Bæjarstjóra falið að ræða við Íslenska Gámafélagið um framkvæmdina.

Fundargerð samþykkt.

4. 1012001 - Fundargerð skólanefndar Tónlistarskóla Stykkishólms, dags 24.11.2010 (138. fundur).

Fundargerð framlögð og samþykkt.

5. 1011053 - Fundargerð hafnarstjórnar dags. 18.11.2010 (62. fundur).

Fundargerð framlögð.

Liður 2 gjaldskrá Stykkishólms hafnar: Gjaldskrá samþykkt.

Afgreiðsla nefndarinnar samþykkt.

Fundargerð samþykkt.

6. 1012008 - Fundargerð skólanefndar, dags. 01.12.2010 (109. fundur)

Fundargerð framlögð

Liður 3b varðandi skólalóð og leiktæki.

Bæjarráð samþykkir að vísa erindi til fjárhagsáætlunarvinnu.

Fundargerð samþykkt.

Aðrar fundargerðir

7. 1012011 - Fundargerð stjórnar FSSF dags. 02.12.2010 (55. fundur).

Framlagt.

Erindi til kynningar

8. 1011067 - Bréf umhverfisráðuneytis, dags. 24.11.2010 varðandi umhverfismál strandsvæða og OSPAR samningurinn.

Framlagt.

9. 1011059 - Bréf Siglingastofnunar Íslands, dags. 22.11.2010 varðandi úttekt á slysavörnum í höfnum.

Framlagt.

10. 1011058 - Bréf Slökkviliðsstjóra Stykkishólmsbæjar, dags. 19.11.2010 varðandi



fyrirspurn til Helgafellssveitar um eldvarnamál.

Framlagt.

11. **1011050 - Bréf bæjarstjórans í Grundarfirði, dags. 16.11.2010 varðandi fyrirhugaða gjaldskrárhækkun í Fíflholtum.**
Framlagt.
12. **1011047 - Bréf Hafnasambands Íslands, dags, 10.11.2010 Efni: Umhverfisstarf hafna**
Framlagt.
13. **1011046 - Bréf Hafnasambands Íslands, dags,10.11.2010 Efni: Hlutverk og tækifæri hafna.**
Framlagt.
14. **1011036 - Hafnasamband Íslands, dags 11.11.2010 Efni: tillögur að árgjöldum 2011-2012.**
Framlagt.
15. **1011035 - Bréf Bsi á Íslandi, dags, 09.11.2010 Efni: Árleg endurskoðun leiksvæða og leikvallartækja.**
Framlagt.

Erindi til afgreiðslu/umsagnir.

16. **1012005 - Bréf Markaðsstofu Vesturlands,dags. 30.11.2010 varðandi styrkbeiðni.**
Beiðni um styrk frestað. Samþykkt að Daði Heiðar Sigurþórsson verði tengiliður við Markaðsstofu Vesturlands.
17. **1012004 - Bréf landssambands sjúkra og slökkviliðsmanna, dags. 22.11.2010 varðandi styrkbeiðni.**
Bæjarráð sér sér ekki fært að verða við styrkbeiðni.
18. **1012003 - Bréf Sigurlínu Sigurbjörnsdóttur dags. 01.12.2010 varðandi ósk um styrk til Norska hússins.**
Samþykkt að veita Norska húsinu styrk að upphæð kr. 400.000, vegna sumardagskrá samkvæmt fjárhagsáætlun Stykkishólmsbæjar fyrir árið 2011.
19. **1012002 - Bréf Sigurlínu Sigurbjörnsdóttur f.h. Norska hússins, dags. 01.12.2010 varðandi ósk um niðurfellingu fasteignagjalda.**
Samþykkt að veita Norska húsinu styrk sem nemur fasteignagjöldum vegna Hafnargötu 5 og Reitaveg 3 fyrir árið 2011. Norska húsinu er bent á Orkuveitu Reykjavíkur varðandi niðurfellingu á vatnsgjaldi.
20. **1011063 - Bréf Sigurjóns Jónssonar, dags. 24.11.2010 varðandi fyrirspurn vegna úthlutunar lóða í Nýræktinni.**
Bæjarstjóra falið að svara Sigurjóni Jónssyni.
21. **1011057 - Bréf Sýslumanns Snæfellinga,dags. 22.11.2010 varðandi umsögn um leyfi til skemmtanahalds í Íþróttahúsi bæjarins.**
Bæjarráð hefur ekki athugasemdir við leyfi til skemmtanahalds í Íþróttahúsi bæjarins.
22. **1011054 - Bréf hesteigendafélags Stykkishólms dags.19.11.2010 varðandi beiðni um samstarf.**
Samþykkt að greiða losun á einum gám til reynslu. Bæjarstjóra falið að ræða við stjórn Hesteigendafélags Stykkishólms um samstarfsmál.

Fagna ber beiðni stjórnar HEFST um nánara samstarf HEFST og Stykkishólmsbæjar. Erindið felur í sér að samstarfið sé formlegt og með langtíamarkmið í huga. Stykkishólmsbær þarf að vinna að málefnum HEFST í



góðu og nánu samstarfi á sambærilegan máta og unnið hefur verið að málefnum t.d. Golfklúbbsins Mostra og Umf. Snæfells.

Gretar D. Pálsson

- 23. 1011052 - Bréf Sýslumanns Snæfellinga, dags. 17.11.2010 varðandi leyfi til Gagnleysu ehf til veitinga og greiðasölu.**
Bæjarráð hefur ekki athugasemdir við leyfi til Gagnleysu ehf. til veitinga og greiðasölu.
- 24. 1011051 - Bréf Sýslumanns Snæfellinga dags. 17.11.2010 varðandi leyfi til Gagnleysu ehf til sölu heimagistingar.**
Erindi frestað og vísað í lið 3 í fundargerð skipulags- og bygginganefndar frá 6.12.2010.
- 25. 1011049 - Bréf Æskulýðssambands Þjóðkirkjunnar, dags. 12.11.2010 varðandi aðstöðu fyrir mót í Stykkishólmi.**
Bæjarráð tekur jákvætt í erindið. Bæjarstjóra falið að ræða við Æskulýðssamband Þjóðkirkjunnar.
- 26. 1011033 - Bréf Sjónarhóls, dags 08.11.2010 varðandi styrkumsókn.**
Bæjarráð sér sér ekki fært að verða við styrkbeiðni.
- 27. 1011032 - Bréf Snorrasjóðs, dags. 08.11.2010 varðandi styrkbeiðni við Snorraverkefnið 2011.**
Bæjarráð sér sér ekki fært að verða við styrkbeiðni.
- 28. 1010018 - Tillaga um aðstöðu fyrir geymslugáma.**
Tillaga byggingafulltrúa og bæjarverkstjóra um staðsetningu samþykkt.

Annað

- 29. 1012012 - Tillaga að hækkun gjaldskrár leikskóla, dags, 07.12.2010.**

Leikskólinn í Stykkishólmi

Tillaga að hækkun gjaldskrár 01.01.2011

	STH 01.01.2003	Tillaga 01.01.2011
Vistgjald	2.700 pr klst á mán	2.970
Morgunhressing	1.540 á mán.	1.694
Síðdegishressing	1.540 á mán.	1.694
Hádegismatur	3.410 á mán.	3.751
Vistgjald 4 st	4 10.800	11.880
Vistgjald 5 st	5 13.500	14.850
Vistgjald 6 st	6 16.200	17.820
Vistgjald 7 st	7 18.900	20.790



Vistgjald 8 st	8	21.600	23.760
Vistgjald 9 st	9	24.300	26.730

Systkinaafsl	25%,50%	
Einst for.	30%	35%

Skýring:

Gjaldskrá leikskóla hefur verið óbreytt frá 1.1.2003.

Tillaga: Hækka gjaldskrá um 10% mv. 1.1.2011

Tillaga: Hækka afslátt einst. foreldra úr 30% í 35%. Leiðir til 2% hækkunar f. þá.

Tillagasamþykkt.

30. 1012013 - Fjárhagsáætlun 2011 fyrir Stykkishólmsbæ, dags 09.12.2010 seinni umræða.

Þór Örn bæjarritari gerði grein fyrir fjárhagsáætlun. Samþykkt að vísa fjárhagsáætlun Stykkishólmsbæjar fyrir 2011 til seinni umræðu í bæjarstjórn.

31. 1012014 - Drög að þriggja ára Fjárhagsáætlun 2012-2014, dags 09.12.2010.

Þór Örn bæjarritari gerði grein fyrir þriggja ára fjárhagsáætlun Stykkishólmsbæjar 2012-2014. Samþykkt að vísa áætlun til fyrri umræðu í bæjarstjórn.

32. 1012015 - Tillaga um breytingu á gjaldskrá heilsdagsskóla, dags, 09.12.2010.

Tillaga um breytingu á gjaldskrá Heilsdagsskóla

Heilsdagsskóli

1.9.2006

Vistunargjald	250	pr. klst.	
Hádegismatur fös	190		
Síðdegishressing			pr. dag
Gæsla til 14:30	2	250	500
<i>gæsla til 16:00</i>	3,5	250	875

Heildargæsla ekki hærri en 11.000

Systkinaafsláttur 25% 50% leiksk/grunnsk

Tillaga að þakið verði hækkað úr 11.000 í 13.500 frá 01.01.2011

Gjaldskrá verði að öðru leiti óbreytt.

Tillaga samþykkt með áorðnum breytingum.



33. Ályktun um St. Franciskuspítalann í Stykkishólmi.

Bæjarráð Stykkishólmsbæjar beinir því til heilbrigðisráðherra að skilgreint verði hlutverk og meginmarkmið St. Franciskuspítala í Stykkishólmi innan HVE og á Snæfellsnesi og ekki síst á landsvísu.

Bæjarráð Stykkishólmsbæjar leggur ríka áherslu á mikilvægi háls- og bakdeildar sjúkrahússins en árangur af starfi deildarinnar hefur sannað mikilvægi sitt. Leggur bæjarstjórn einnig áherslu á þörf fyrir frekari uppbyggingu og eflingu deildarinnar þar sem húsnæðiskostur er til staðar og sóknarfæri liggja í aukinni þjónustu. Geta má þess að um 500 manns bíða eftir að komast að hjá greiningar- og meðferðateymi deildarinnar.

Eins og er starfar deildin ekki með fullum afköstum vegna banns við endurráðningum. Fyrirhugaður niðurskurður ársins 2011 kemur að vísu að takmörkuðu leyti niður á þessari starfsemi, en ef vel ætti að vera, þyrfti að bæta við bæði sjúkraþjálfurum og lækni til að hægt sé að nýta alla þá fjölmörgu sóknarmöguleika, sem starfsemin gefur fyrirheit um.

Bæjarráð styður það viðhorf fagfólks stofnunarinnar, sem fram kemur í bréfi til framkvæmdastjórnar HVE, dags. 19.11.2010, að nauðsynlegt sé að hlutverk sjúkrahússins verði skilgreint nánar. Er þar sérstaklega litið til þeirrar hugmyndar, að spítalinn verði bráðasjúkrahús fyrir allt Snæfellsnes í sjúkdómaflokkum, sem nánar verði skilgreindir. Með þessu myndi nýtast betur sú aðstaða og það hæfa starfsfólk, sem stofnunin ræður yfir, um leið og góð nærþjónusta til hagræðis fyrir íbúana yrði til staðar, auk þess sem létt yrði á álagi stærri sjúkrahúsanna.

Franciskusspítali á sér langa sögu - allt aftur til fjórða áratugs síðustu aldar. Starfsemin hefur einkennst af ströngum faglegum gæðakröfum og aðhaldi í fjármálum, enda mótaði Franciskusreglan þau viðhorf, sem stofnunin býr enn að, þótt reglan sjálf komi ekki lengur að rekstrinum. Það er þjóðinni í hag, að spítalinn sé vel nýttur og hugað vel að þeim miklu sóknarfærum, sem starfsemi hans gefur tilefni til.

34. Lóðaumsókn Hótelis Stykkishólms ehf. á lóðunum Móholti 2 og 4.

Samþykkt að veita Hóтели Stykkishólms ehf. lóðirnar að Móholti 2 og 4.

35. 1011027 - Bréf Inga Þórs Steinþórssonar f.h. körfuknattleiksdeildar Snæfells, dags, 10.11.2010 varðandi: Umsókn um styrk til útgáfu DVD disks.

Samþykkt að veita styrk að upphæð kr. 350.000. Diskurinn hefur sögu- og markaðslegt gildi fyrir Stykkishólmsbæ.

Fundargerðin upplesin og samþykkt.

Fundi slitið kl. 19:30

Þór Örn Jónsson